

Кун нафаси



◆ Президент Шавкат Мирзиёев 3 июль кун «Тошкент шаҳри Чилонзор туманининг саноат салоҳияти ва инвестиция жозибадорлигини оширишга доир қўшимча чора-тадбирлар тўғрисида»ги қарорни имзолади.



◆ «Ижро ҳужжатларини ижро этмаганлик учун солинадиган маъмурий жарима миқдорини белгилаш тартиби такомиллаштирилиши муносабати билан Ўзбекистон Республикасининг Маъмурий жавобгарлик тўғрисидаги кодексига ўзгартиришлар ва қўшимча киритиш ҳақида»ги Ўзбекистон Республикаси Қонуни қабул қилинди.



◆ Пойтахтимизда Ўзбекистон, Қозоғистон ва Қирғиз Республикалари Энергетика вазирларининг навбатдаги уч томонлама учрашуви ўтказилди.



◆ Ўзбекистон Республикаси Олий Мажлиси Сенати раисининг биринчи ўринбосари **Содиқ Сафоев** Европада хавфсизлик ва ҳамкорлик ташкилоти (ЕХХТ)нинг Демократик институтлар ва инсон ҳуқуқлари бўйича бюроси (ДИИХБ) сайловни кузатиш миссияси раҳбари **Урсула Гачек** билан учрашди.



◆ Ўзбекистон ва Малайзия ТИВ раҳбарлари Тошкентда музокаралар ўтказди ва ташқи сиёсат идоралари ўртасида 2023-2026 йилларга мўлжалланган ҳамкорлик дастурини имзолади.



◆ «Янги Ўзбекистонда тараққиёт, инновация ва маърифат» мавзусида Халқаро шериклик ташаббуслари ҳафталиги доирасида «Хотин-қизларни қўллаб-қувватлаш бўйича Ўзбекистон тажрибаси» мавзусида халқаро аёллар форуми ташкил этилди.



◆ 5 июль кун Тошкент шаҳрида «Ўзбекистон – соғлом ва билимли жамият» мавзусидаги халқаро конференция бўлиб ўтди.

◆ Ўзбекистон Бадиий академияси Тошкент фотосуратлар уйида Инсонга эътибор ва сифатли таълим йилига бағишлаб ташкил этилган «Навқирон Ўзбекистон» республика ёш ижодкорларининг замонавий санъат кўргазма-танлови ўтказилди.

Кун ҳикмати

Китоблар – биз қўлда кўтариб юрадиган ноёб сеҳрдир.

Стефан Кинг,
фантастик романлар ёзувчиси



Тошкент вилояти | Ўқув-семинар

Халқаро ҳужжат билан таништирилди

Мамлакатимизда шу йилнинг 6 майида «Халқаро меҳнат ташкилотининг ходимларни иш жойидаги ҳавонинг ифлосланиши, шовқин ва тебранишлар туфайли юзага келадиган касбий хавф-хатардан ҳимоя қилиш тўғрисида»ги 148-сонли Конвенцияси ратификация қилинганидан хабарингиз бор, албатта.

Халқаро ҳужжатда қулай меҳнат шaroитларини яратиш, жумладан, зарарли ва хавfli ишлаб чиқариш омилларини, меҳнат жараёнларининг оғирлиги ва тизимлиги ҳамда асбоб-ускуналарнинг жароҳатлаш хавfliлигини баҳолаш, шунингдек, меҳнат шaroитларини қонун ҳужжатларида белгиланган талабларга мувофиқлаштириш белгиланган.

Ушбу конвенциянинг амал қилиниши – иш жойида ҳаво ифлосланиши, шовқин ва тебраниш туфайли вужудга келадиган хавф-хатарларнинг олдини олиш, аниқлаш ва бартараф этиш борасидаги халқаро стандартларни мамлакатимизда қўллашга хизмат қилади.

Қонунчиликдаги бу каби ўзгаришлар билан меҳнат жамоаларини таништириш ва амалиётга татбиқ этиш мақсадида Транспорт, йўл ва капитал қурилиш, қурилиш индустрияси ходимлари касба уюшмаси Республика кенгаши масъуллари томонидан жойларда тушунтириш ишлари олиб борилмоқда.

Шундай тадбирлардан бири Тошкент вилояти Автойўл бош бошқармасида бўлиб ўтди. Ўқув-семинарда тизимдаги барча ташкилот ва корхоналардан вакиллар иштирок этдилар.

Умиди ХУДОЙБЕРГАНОВА
«ISHONCH»



ЭСДА ҚОЛАДИГАН САЁХАТ

Соғлиқни сақлаш ходимлари касба уюшмаси Фарғона вилояти кенгаши томонидан тизимдаги аъзоларни дам олдириш ва уларни сўлим гўшаларга, диққатга сазовор масканларга саёхатга олиб бориш аънаанага айланган.

Бу галги саёхат пурвиқор тоғлар қўйнидаги сўлим Шохимардон дам олиш маскани бўлди. Саёхатга Фарғона жамоат саломатлиги тиббиёт институти ходимларидан 40 нафари ва тармоқ ходимларидан 30 нафари таклиф этилди.

Уч кун давом этган саёхат дам олувчиларда катта таассурот қолдирди. «Ҳазрати Али» зиёратгоҳи, «Ҳазрати Али» масжиди, «Чаккатомар» булогига бўлган экскурсия саёхатчиларга манзур бўлди. Айниқса, баланд тоғлар орасида жойлашган «Кўли Куббон» дам олиш масканига

бўлган саёхат эсда қоларли бўлди.

– Хушманзара ва бетакрор масканда дам олганимиздан жудаям хурсандимиз, – дейди Фарғона жамоат саломатлиги тиббиёт институти жарроҳлик кафедраси муdiri Бахтиёржон Мирзаев. – Дам олувчиларга яратилган шaroитлар аъло даражада. Бизни жамлаб, мана шундай гўзал гўшага саёхат уюштирган ташкилотчиларга алоҳида миннатдорлик билдираман.

Жамшид ЭРГАШЕВ
«ISHONCH»

СУЗИШНИ БИЛМАЙ ЎСАЁТГАН АВЛОД

Сув спортини оммавий ривожлантириш ҳақида ким бош қотиради?

4

Жараён

Навбатдан ташқари МАЖЛИС

Кимё ва фармацевтика саноати ходимлари касба уюшмаси Республика кенгашининг навбатдан ташқари IV мажлисида ташкилий масала кўрилди. Мажлисида «Максам-Чирчиқ» АЖ касба уюшма қўмитаси раиси, кенгаш аъзоси Бахтиёр Абдуллаев олиб борди.



Таъкидландики, узоқ йиллардан буён Республика кенгаши раиси лавозимида ишлаб келётган Мавжуда Халилова пенсияга чиқиши муносабати билан раислик ваколатини муддатидан олдин тугатиш ва меҳнат шартномасини бекор қилишни сўраб ариза берган. Шу муносабат билан М.Халилованинг ваколати муддатдан олдин тугатилди ва лавозимдан озод этилди. У кенгаш ва ижроия қўмита аъзолигидан чиқарилди ҳамда Федерация Бош кенгаши аъзолигидан чақириб олинди.

Шундан сўнг кенгаш мажлисидаги ташкилий масала юзасидан сўз Ўзбекистон касба уюшмалари Федерацияси раиси ўринбосари Бахтиёр Маҳмадалиевга берилди. У М.Халилованинг кўп йиллар давомида касба уюшмалари тизимидаги қатор ютуқлари – мажбурий меҳнат ва болалар меҳнати кабиларнинг тугатилиши, кимё ва фармацевтика соҳаси ходимларининг ижтимоий-ҳуқуқий ҳимоясини намунали ташкил этишдаги муносиб ҳиссасини алоҳида таъкидлаб, Федерациянинг эсдалик совғасини топширди.

Кимё ва фармацевтика саноати ходимлари касба уюшмаси Республика кенгаши раиси лавозимида Нигора Алимжанова номзоди таклиф этилди. Н. Алимжанова бир овоздан Кимё ва фармацевтика саноати ходимлари касба уюшмаси Республика кенгаши раиси, кенгаш ва ижроия қўмита аъзоси ҳамда Федерация Бош кенгаши таркибига вакил этиб сайланди.

Зебо НАМОЗОВА
«ISHONCH»

Хоразм вилояти

Ташкилий масала кўрилди

Ўзбекистон касба уюшмалари Федерацияси Хоразм вилояти кенгашининг V мажлиси бўлиб ўтди. Унда ташкилий масала кўрилди. Камолжон Бекчанов кенгаш раисининг ўринбосари этиб сайланди.

Бу инсон 2009-2013 йилларда «Камолот» ёшлар ижтимоий ҳаракатининг вилоят кенгаши раиси, 2013-2022 йилларда Хоразм вилояти касба уюшма ташкилотлари бирлашмаси раиси ўринбосари, Федерациянинг вилоят кенгаши раиси ўринбосари лавозимларида ишлаганди. 2022 йил 11 январдан эътиборан эса Шовот туманидаги «Янгибурлоқ» маҳалласида тадбиркорликни ривожлантириш, аҳоли бандлигини таъминлаш ва камбағалликни қисқартириш масалалари бўйича ҳоким ёрдамчиси лавозимида фаолият юритиб келётган.

Мухаббат ТЎРАБОЕВА
«ISHONCH»





Тошкент вилояти

Бугун юртимизда хотин-қизларни қўллаб-қувватлаш борасида амалга оширилаётган ишлар кўнгилларга сурур бахш этаётир. Куйида бири бугун оёққа туриб, қувончдан кўз ёшларини тўкаётган, яна бири эса, ажратилган кредит маблағи туфайли ўзини тиклаб, бир қатор яхши натижаларга эришаётган аёллар ҳақида сўз юритамиз.



«Ўзбекистон темир йўллари» акциядорлик жамияти ҳамда Темирйўлчилар ва транспорт қурувчилари касаба уюшмаси Республика кенгаши тизимдаги ташкилот ва корхоналарда фаолият юритаётган ишчи-ҳодимларнинг фарзандларини ёз мавсумида соғломлаштириш юзасидан муайян ишларни амалга оширмоқдалар.

Завқли таътил



Жорий йилнинг ёз мавсуми давомида темирйўлчилар ҳамда транспорт қурувчилари ишчи-ҳодимларининг 7 ёшдан 14 ёшгача бўлган 5 минг 380 нафар ўғил-қизни

Ёзги соғломлаштириш

«Қибрай», «Бурч мулла», «Темирйўлчи», «Янги авлод» ҳамда «Аловиддин» каби оромгоҳларда тўрт навбатда, «Кўнғирот» санаторий-профилакторийсида эса беш навбатда дам олдириш ва соғломлаштириш режалаштирилган.

Шу йилнинг 5 июнь кунидан бошлаб оромгоҳлар биринчи навбатга болаларни ўз бағрига қабул қилишни бошлади. Бу вақтда «Қибрай» болалар дам олиш оромгоҳига темирйўлчиларнинг 350 нафар фарзандлари ҳамда «Касаба уюшмаси болаларга» акцияси доирасидаги 22-Меҳрибонлик уйининг 35 нафар тарбияланувчиси соғломлаштирилди.

Айни кунларда иккинчи навбатда 1 минг 255 нафар болажон мароқли дам олиб, саломатликларини мустақамламоқда. Шинам турар-жойлар, дам олиш ва овқатланиш хоналари, қизиқарли адабиётлар, газета ва журналларга бой кутубхона, чўмилиш ҳавзаси ҳамда тури спорт майдончалари болажонлар ихтиёрида. Ўз ишига сидқидилдан ёндашадиган педагог-тарбиячи, етакчи, тўғарак раҳбарлари уларнинг мазмунли дам олишини таъминлапти. Тиббиёт ҳодимлари болаларнинг саломатликларини назорат қилиб боришмоқда, ошпазлар эса уч маҳал мазали таомларни тайёрлаб беришмоқда.

Мавсум давом этмоқда. Насиб бўлса, болалар дам олиш билан биргаликда, янги дўстлар орттириб, қалблари бир олам завққа тўлиб, янги ўқув йилини зўр иштиёқ билан бошлашади.

Лола МЕРГАНОВА,
Темирйўлчилар ва транспорт қурувчилари касаба уюшмаси Республика кенгаши бўлим мудири

Мавсум мароқли ўтмоқда

«Зомин» ҳамда «Сирдарё» болалар оромгоҳи бу йилги мавсумга пухта тайёрланди.

«Зомин» оромгоҳида бу йилги мавсумда 1 минг 500 нафар болажон соғломлаштирилиши кўзда тутилмоқда. Айни пайтда мазкур сўлим гўшада 250 нафар ўғил-қиз мароқли дам олаётир.

«Сирдарё» болалар оромгоҳи эса янгидан бунёд этилмоқда. Қарийб 6 гектар майдонда жойлашган жамуанинг янги лойиҳасида замонавий тўғарак хоналари, Ахборот-ресурс маркази, маънавий-маърифий ва маданий тадбирлар учун амфитеатр, тиббиёт маскани, сузиш ҳавзаси, спорт майдончалари, бешта ётоқхона, ошхона ва ювенил хоналари ўрин олган. Қурилиш-таъмирлаш ишлари якунига етгач, бу ерда бир мавсумда 300 нафар бола ёзги таътилни мароқли ўтказиши мумкин бўлади.

Ботир УСМОНОВ,
Болаларнинг дам олишини ва соғломлаштирилишини ташкил этиш департаментининг Сирдарё вилояти бошқармаси бошлиғи

Қашқадарё вилояти

Фарҳатда янги саҳифалар

Ҳар икки йилда бир марта ўтказиладиган «Энг намунали болангич ташкилот» кўрик-танлови касаба уюшмалари иш тизимида янги саҳифалар очаетир. Бунга Таълим ва фан ҳодимлари касаба уюшмаси Чироқчи тумани кенгаши мисолида яна бир бор амин бўлди.

Қашқадарё вилояти

Фаолиятда янги саҳифалар

Ҳакамлар ҳайъати тармоқдаги 149 та касаба уюшма бошланғич ташкилот фаолияти билан атрофлича танишиб, уларнинг энг яхшиларини эътироф этди. Туман миқёсида ҳодимлар сони 100 нафардан ортиқ ташкилотлар ўртасида 1-умумтаълим мактаби ғолиб деб топилди. 19-сонли махсус мактаб-интернати иккинчи, 19-мактаб бошланғич касаба уюшма ташкилоти учинчи ўринга муносиб кўрилди. Аъзолари сони 100 нафаргача бўлган муассасалар ўртасида 7-сонли давлат мактабгача таълим ташкилоти ғолиб, 34-ўрта мактаб иккинчи, 2-ихтисослашган мактаб интернати учинчи ўрин соҳибига айландилар. – Илғор иш тажрибаларини кенг ёйишда мазкур танловнинг аҳамияти катта, – дейди Таълим ва фан ҳодимлари касаба уюш-

маси Чироқчи тумани кенгаши раиси Абдураим Ҳайдаволов. – Таълим муассасаларида жамоа шартномаси бандларининг ба-жарилишини таъминлаш, ҳодимларнинг ижтимоий-иқтисодий ва ҳуқуқий ҳимояси, мувожазатлар билан ишлаш, ҳужжатларнинг тўғри юритилишига эришиш, етакчиларнинг ташаббускорлиги ҳамда ижодкорлигидан келиб чиққан ҳолда, ғолибларни саралаб олди. Танлов якунида ҳар сафар янги-янги ғолибларга дуч келямиз. Бу эса бошланғич ташкилот етакчиларининг мудо изланишида эканидан, қўмита ишини янги босқичга кўтаришда фаоллиги ошаётганидан далолат. Кўрик-танлов ғолиб ва совриндорлари диплом ҳамда эсдалик совғалари билан тақдирланди.

Акмал АБДИЕВ
«ISHONCH»

«Аёллар дафтари»ни варақлаганда...

Эзгу ишлар бардавом

ОЁҚҚА ТУРИШИМГА КЎМАК БЕРГАНЛАРГА ТАШАККУР!

Нурафшон шаҳри «Чиғирик» маҳалласида яшовчи Венера Умарова автоҳалокатга учрагач, нақд саккиз ой тўшака михланиб қолди. Қизининг айтишича, кечалари онаси оғриқ қолдирувчи муолажасиз ухлай олмаган. Унинг жарроҳлик амалиёти учун 20 миллион сўм маблағ зарур эди. Аммо... Моддий томондан қийналган оила, афсуски, бунча маблағни топа олмади.

Яқинда Венера Умаровага «Аёллар дафтари» жамғармасидан жарроҳлик амалиёти учун маблағ ажратилди. Жарроҳлик муваффақиятли кечди.

– Бунга бир ойдан ошди, – дейди Венера Умарова. – Саккиз ой давомида оғриқлардан азоб чекиб, шипга тикилиб ётган одам бирданги дарддан фориг бўлиб, бир ой ичида оёққа турса, жуда бошқача бўлар экан. Юрагимда кечаётган ҳисларимни сўз билан ифодалашим қийин. Кўзларимдан оққан қувонч кўз ёшлари анчагача тинмади...

Ҳозирча махсус мослама ёрдамида бўлса ҳам, ҳар ҳолда,

юряпман. Яхши инсонларга катта раҳмат. Миннатдорлигимнинг чеки йўқ...

ТАДБИРКОР ХУСУСИЙ БОҒЧА ОЧМОҚЧИ

Нурафшон шаҳар, «Ёшлик» маҳалласида яшовчи Дилдора Баратовага 2020 йилда «Аёллар дафтари» жамғармасидан 30 миллион сўм кредит ажратилган эди. Шундан сўнг у «Aziya gold dizayn» масъулияти чекланган жамиятини ташкил этиб, тикувчилик фаолиятини йўлга қўйди. Боз устига, етти нафар хотин-қизни иш билан таъминлади. Ишлари юришгани туфайли Дилдора опа тез орада кредит тўловидан қутулди, ўзи учун енгил автомашина ҳам сотиб олди.

Яқинда у яна «Nurafshon fashion gold» ишлаб чиқариш корпорациясини шериклик асосида ташкил қилишга муваффақ бўлди. Унга давлат томонидан субсидия асосида 90 миллион сўм маблағ ажратилди ва бу маблағ эвазига у 30 нафар ишсиз, ижтимоий ҳимояга муҳтож аёлни иш билан таъминлади. Бунда аёлларнинг ҳар бирига 3 миллион сўмдан

ажратилиб, уларга тикув машинаси ва зарур ашёлар олинди. Ҳозир аёллар ўз уйларида буюртмалар асосидаги тикув ишлари билан машғул.

– «Аёллар дафтари» жамғармаси орқали ажратилган 30 миллион сўмлик кредит ўзимни тиклаб олишимда катта ёрдам бўлди, – дейди Дилдора Баратова. – Ҳозир уйларида тикувчилик қилаётган аёлларимиз анча маҳоратли. Ўтган йили 5 мингтага яқин мактаб формаларини тикдик. Формаларни баъзи камхарж, боқувчисини йўқотган оилалар фарзандларига бепул ҳам тикиб бердик. Бу йил яна буюртмалар қабул қилиш ниятидамиз.

Дилдора Баратова айни пайтда тикувчилик фаолиятини янада кенгайтиришни режа қилган. Энг қувонарлиси, ўз хонадонида давлат шерикчилиги асосида болалар боғчасини ташкил этиши учун 1 миллиард сўмлик кредит олиш арафасида турибди. Агар болалар боғчаси очилса, яна бир нечта ишсиз хотин-қиз доимий иш билан таъминланишига эришилади.

Холида ЭГАМБЕРДИЕВА
«ISHONCH»



Бор бўл, оқибат!

Эътибордан диллар шодланди

«Избоскан тумани йўллардан фойдаланиш» унитар корхонасининг бир гуруҳ ҳодимлари собиқ ҳамкасблари, марҳум Жамолиддин Шодмоновнинг хонадонига бўлишди. Хайрли амаллар эсга олиниб, оила аъзоларига таскин-тасалли берилди. Моддий ёрдам кўрсатилди. Кўнгил кўнгилдан сув ичади, деганларича бор экан, хонадон соҳибларининг диллари ёришиб, ўзларини қўйгани жой тополмай қолишди.

Бу каби савобли ишларда «Шаҳрихон тумани йўллардан фойдаланиш» унитар корхонаси жамоаси ҳам жонбозлик кўрсатди: 107 нафар ишчи-ҳодимга 5 турдаги озиқ-овқат маҳсулотлари тарқатилди.

Шунингдек, «Андижон йўллардан мунтазам фойдаланиш» унитар корхонаси ҳамда Олтинқул, Бўстон туманларида меҳнат қилаётган йўлсозларга озиқ-овқат маҳсулотлари тақдим этилди.

Назokat ҚЎЗИБОЕВА,
Транспорт, йўл ва капитал қурилиш, қурилиш индустрияси ҳодимлари касаба уюшмаси Андижон вилояти кенгаши раиси

Самарқанд вилояти

Мусобақа

«Тез ёрдам»чилар спортда ҳам тезкор

Самарқандлик тиббиёт ҳодимлари Республика шошилинч тиббий ёрдам илмий маркази ҳамда марказ касаба уюшма қўмитасининг кубоги учун беллашди.

90 нафар тез тиббий ёрдам ҳодимини жамлаган 10 та жамоа орасида Самарқанд шаҳридаги 2-сонли «Тез тиббий ёрдам» бекати волейболчилари мутлақ ғолибликни қўлга киритди. 3-сонли «Тез тиббий ёрдам» бекати ва Жомбой тумани «Тез тиббий ёрдам» бекати жамоалари кейинги ўринларни банд этишди.

Мини-футбол мусобақалари эса 14 та жамоа ўртасида кечди. Баҳсларда Пахтачи тумани «Тез тиббий ёрдам» бекати жамоаси барча рақибларини доғда қолдирди. Самарқанд шаҳридаги 3-сонли, Жомбой тумани «Тез тиббий ёрдам» бекатлари жамоалари иккинчи ва учинчи ўринларни қўлга киритишди.

Ғолибларга иш берувчи ва касаба уюшмаларининг совринлари топширилди.

Бахтиёр ТУРОВОВ,

Ўзбекистон касаба уюшмалари Федерацияси Жисмоний тарбия, спорт ва соғломлаштириш ишлари бошқармасининг Самарқанд вилояти бўйича масъул ташкилотчиси



Кўрик-танлов

Германиядаги ўзбек кардиологи:

Сўхбат

Олмонлар қонунга бўйсуниб яшайдиган халқ

Бунёдбек Жалолов 33 ёшда. Асли андижонлик. Касби – шифокор. Айти пайтда Германиядаги нуфузли шифохоналардан бирда кардиолог бўлиб ишляпти. Биз тинимсиз изланишлари ва ҳалол меҳнатлари орқали кўпчилик хурматини қозонган бу йигит билан ўқиш ва ишлаш учун нега айнан Олмонияни танлагани, бугунги фаолияти ва келгуси режалари ҳақида сўхбатлашдик.

– Германияга бориш орзуси сизда қачон ва қандай пайдо бўлди?

– Андижон давлат тиббиёт институти талабасига айланганимда ундаги хорижий тиллар кафедрасида француз, немис ва инглиз тиллари ўқитиларди. Мен мактабда инглизчани ўрганганим. Бундан ташқари, Германияда тиббиёт яши ривожланганини аввалдан билардим. Устозларимиз эса дарслар жараёнида турли стипендия дастурлари ҳақида ҳам маълумотлар беришди. Уларнинг аксарияти Германия таълим тизимига тааллуқли эди. Шу боис немис тилини алоҳида ғайрат-шижоат билан ўргана бошладим.

– Тил ўрганиш ва грант олиш жараёнидаги машаққатлар ҳақида ҳам тўхталиб ўтсангиз. Менимча, бу бошқа ёшларга мотивация бўлади.

– Бошқа тиллар сингари немис тилида ҳам даражалар бор. Улар 6 та. Стипендиялар ютиб олиш, олий ўқув юрларига ўқишга кириш учун эса камида 4-5 та даража (B2 ва C1) керак.

Германия грантини қўлга киритиб, ўша ерда ишлаш имконияти бошқа ривожланган мамлакатлардагига нисбатан осонроқ. Масалан, ўзга давлатларда шифокор бўлиб ишлаш учун анча юқори – C1 даража талаб этилади, немис диёрида эса бунинг учун B2 даража kiffoя қилади. Бу кадрларга талаб катталиги билан боғлиқ бўлса керак. Қолаверса, Германиядаги давлат институтларида олий маълумот олиш бепул.

Талабалик давримда немис академик алмашинув хизмати томонидан бериладиган стипендияни ютиб олганман. Кейинроқ Theodor Heuss стипендияси орқали лойиҳада қатнашганман. Очиғини айтсам, немис тилида инглиз тилига нисбатан рақобат камлиги учун стипендия олишда қийналмаганман.

– Германия қатъий қонун-қоидаларга эга давлат. Аҳолиси қонунга бўйсунадиган, тартиб-интизомни севадиган халқ. Аввал бошда бундай шароитда яшашга кўникишингиз қийин кечгандир?

– Таърифнинг тўғри, бу юртда тартиб-қоида, интизом юқори даражада. Ҳамма қонунларга онгли равишда бўйсунди. Қоидабузарларга нисбатан қўлланиладиган жарималар эса катта. Агар вақтида тўланмаса, ҳар бир оғохлантириш хатига асосан яна кўшимча ҳақ олинади.

Менинг бу тартиб-тамоийларга кўникишим қийин бўлмади. Мухими, бу ерда ҳар бир кўча ҳар доим тоза-озода бўлади, жорий қоидаларга катта-кичик бирдек

риоя қилади. Таниш-билишчилик йўқ. Ҳар қадарда чиқиндилар учун махсус идешлар учраса, қандай қилиб қўлингиздаги нарса-ни йўл четига улоқтирасиз? Ўзи учун яратилган шароитларни кўриб, маданиятсизлик қилгани уялади одам.

– Немисларнинг жамоат транспортда юриш маданияти, китобсеварлиги мени доимо ўзига ром этган. Бу халқнинг ҳавас қилса ва ўрнат олса арзигулки яна қандай фазилатлари бор?

– Жамоат транспортда катталарга жой бериш деган талаб деярли йўқ. Ҳавас қиладиган жиҳати – йўловчилар ўзлари билиб-билиб чипта олишади. Балки эшитган чиқарсиз, илгарилари оддий автобусда кетаётиб, чипта олмаган йўловчини бекатда тушириб, халқнинг кўз ўнгига отиб ташлашгача боришган экан. Натижада ҳозирги авлод назоратчи бўлмаган тақдирда ҳам чипта олишни канда қилмайди. Чунки бу одат онг остига сингдирилган.

Хусусий автомобилида ҳаракатланган немислар арзиманган тирбандлик учун сигнал чалишмайди. Акс ҳолда, бу ҳолат баъзан ҳақоратлашга тенглаштирилади. Ҳар қандай тиқилинча ҳам тиббий ёрдам, ўт Учирши ва бошқа тезкор хизмат кўрсатиш машиналарига йўл берилди.

Германияда ҳам ҳар бир университет ва шаҳарнинг биздагидек йирик кубухо-налари бор. Фарқи шуки, улар ҳар доим одам билан гавжум бўлади. Мен Бремеда яшаган пайтим кутубхонага қараб, қайси кунга кира олишнинг ҳал бўлади. Масалан, баҳоларингиз 3-4 бўлса, тиббиёт олий ўқув юртига ўқишга кириш имкониятингиз ўта паст ёки бутунлай йўқ ҳисобланади. Боя айтганимдек, давлат олий ўқув юрларида бакалаврият босқичида ўқиш бепул. Бизда эса, тиббий соҳа бўйича ихтисосликка эга бўлиш учун магистратура ёки ординатурада ўқишсиз. Талабаларнинг катта қисми контракт пули тўлайди.

– Бу мамлакатдаги таълим тизими ҳақида нималар дея оласиз?

– Унинг ўзига хосликлари бор. Мактаб, лицейни тугатиб, ўрта маълумотли бўлганингиз ҳақидаги шаҳодатномани олсангиз, ундаги баҳоларга қараб, қайси ўқишга кира олишингиз ҳал бўлади. Масалан, баҳоларингиз 3-4 бўлса, тиббиёт олий ўқув юртига ўқишга кириш имкониятингиз ўта паст ёки бутунлай йўқ ҳисобланади. Боя айтганимдек, давлат олий ўқув юрларида бакалаврият босқичида ўқиш бепул. Бизда эса, тиббий соҳа бўйича ихтисосликка эга бўлиш учун магистратура ёки ординатурада ўқишсиз. Талабаларнинг катта қисми контракт пули тўлайди. Германияда мутахассислик олиш учун ўқиш ўртача 5 йил давом этади. Контракт пули тўламайсиз, аксинча, ўқиш жараёнида битта ўртача рўзгорни тебратишга етадиган миқдорда ойлик оласиз.

– Германиядаги ҳамюртларимиз нималардан қийналишади?

– Ҳар қандай мусофир кишида Ватани соғиниш ҳисси юқори бўлади. Биз Германияда эллик йил яшасак ҳам, барибир, меҳмонмиз. Бу ерда фарзандларимизни миллий руҳда тарбиялаш, менталитетимизни сақлаб қолиш мушкул. Шу мамлакатда истиқомат қилаётган кўп ўзбек оила аъзолари билан гаплашганман. Уларнинг уқтиришича, агар сиз бу ерда ўзбекона тарбияга жиддий ётқибор қа-

ратмасангиз, фарзандингизни «йўқотиб» қўйишингиз эҳтимолдан холи эмас.

Яна бир гап. Германияда ота-она кексайса, уларни «Қариялар уйи»га жойлаштириш оддий ҳол саналади. Ёши улғларнинг айримлари ёш боладек инжиқ бўлиб қолади, шундай пайтларда фарзандлари уни ақли заифга чиқариб, фикрини инobatга олмай қўйиши мумкин.

– Ватандошларимиз асосан қайси соҳаларда меҳнат қилишади?

– Аввало, шуниси аниқки, Германияга немис тилини пухта ўрганмасдан келиб бўлмайди. Бу ердаги ўзбекларнинг аксарияти эса олий маълумотли ва ўз соҳалари бўйича фаолият юритишади. Масалан, биргина тиббиёт йўналишида 200 нафарга яқин миллатдошимиз меҳнат қилади. Мен 7 нафар ўзбек врачлари билан бирга Бавариядаги битта шифохонада ишлайман. Навбатчилик қилган кунимиз шифохонанинг тез ёрдам кўрсатиш бўлими қабулхонасида фақат ўзбек шифокорлари қолишади. Гоҳида она тилимизда гаплашганимиз боис Германияда эканлигимиз ёдимиздан кўтарилади. Биз ўзаро ниҳоятда ақилмиз, бир-биримизга ёрдам қўлини қўйишга доимо тайёرمىз.

– Германияга бориб таълим олиш ва ишлашнинг қандай йўллари бор?

– Бу жуда кенг қамровли савол ва катта мавзу. Шунинг учун умумлаштириб, қисқа жавоб бераман. Биринчидан, немис тилини ҳужжат топшириладиган олий ўқув даргоҳи талаблари даражасида ўзлаштириш керак. Айнақса, ҳуқуқшунослик, тиббиёт, ўқитувчилик каби соҳалар бу тилни мукамал билишни талаб қилади. Иккинчидан, Германияда ўқиш учун Ўзбекистондаги мактаб, лицей, институт ёки университетда олган баҳоларингиз «аъло» бўлиши керак. Сабаби, бу ерда тест тизими мавжуд эмас, фақат шаҳодатномадаги баҳоларга қаралади. Яқши тарафи ўқиш учун контракт тўлови йўқ, лекин яшаш сарф-харажатлари қиммат. Бинобарин, ҳар бир талаба ўзини ўзи моддий жиҳатдан таъминлай олишини исботлаши шарт. Бунинг учун банкда ҳар ой учун 934, бир йил учун 11208 евро миқдорда пули бўлиши лозим (Sperrkonto дейилади).

– Бу мамлакатда инглиз тилини яқши билган киши немис тилини билмаса ҳам ишлаши мумкинми?

– Германияда немис тилини билмасангиз, бошқа тилларни билганингиз ўз аҳамиятини йўқотади. Тўб аҳоли немис тилида мулоқотда бўлишингиз зарур. Инглизча гапирсангиз, сизни тушунса ҳам аксарияти ўз она тилида жавоб қайтаради. Баъзи касбларда, аниқроғи, ахборот технологияларига доир касбларда инглизчадан фойдаланиб ишлаш мумкин, бироқ миқдорлар немис бўлса, бу тилни албатта билиш этилади. Шунингдек, немис тилини билмаган ҳолда шифокор лавозимида ишлашнинг иложи йўқ. Ҳатто IELTS-дан 9 балл олган бўлсангиз ҳам.

– Чет элдаги фаолиятингиз қандай кечаяпти? Ва яна, сир бўлмаса, айтинг-чи, у ердаги меҳнат муҳожирлари бир ойда ўртача қанча даромад топишлари мумкин?

– Бу ерга келиб, уч ой немис тили курсида ўқидим ва уч ой амалиётни ўтадим. Еттинчи ойдан бошлаб, ҳозирга қадар кардиолог шифокорман.

Германияда ойликлар яширин маълумотлар сирасига кирмайди. Интернетда ҳар бир соҳа вакилининг ойлиги меҳнат стажига қараб, очиқ ёзиб қўйилади. Шу боис ҳеч ким бировдан унинг маоши

қанчалигини сўрамайди, ҳатто турмуш ўртоғи ҳам билмайди. Энди саволингизга келсак, энг кам ойлик оладиган соҳа вакиллари соатига 12 евро тўланади.

– Германияда шифокор бўлиб ишлаш учун нималар қилиш ва қандай босқичлардан ўтиш керак?

– Аввало, қўлингизда энг камида бакалавр дипломи бўлиши лозим. Иккинчидан, немис тилини B2 даражада билади деган тил сертификати зарур. Уни Тошкентдаги Гёте институтидан ёки вилоят филиалларидан олиш мумкин.

Кейинги босқичда Германияга келиб, FSP деган, шифохона шароитида немисча гаплаша олишингизни кўрсатиб берадиган имтиҳон топшириб, икки йил шифокорлик қилиш ҳуқуқини қўлга киритишингиз даркор. Шу вақт ораллигида ҳам ишлаб, ҳам малакангизни ошириб, Kenntnisprüfung деган имтиҳонга тайёрланасиз. Бунда фақат тиббий билимингиз текширилади. Имтиҳонни университет клиникаси профессорлари оладилар. Синовдан ўтсангиз, Германияда аррprobatioнга эга бўласиз. Сўнгра мутахассислик олиш учун Weiterbildung бошланади. У 60 ой давом этади. Кейин Facharztни имтиҳони бўлади. Уни муваффақиятли топширсангиз, сизга немис мутахассислиги берилди.

Мен умумий йўлни қисқартириб айтдим. У бироз мушкул туюлиши мумкин. Германияга келмоқчи бўлган дўстларимизга жараёни қийин кўрсатиб, демотивация қилмоқчи эмасман. Бу жараёнлар йиллар давомида босқичма-босқич бажарилади.

– Юртимизда рўй бераётган воқеалар ва янгиликларни кузатиб бораётган бўлсангиз, сезгандирсиз, бизда баъзан «Тез ёрдам» ходимларини калтаклашдан тоймайдишлар ҳам топилади. Ҳўш, сиз ҳозир фаолият юритаётган мамлакатда шифокорларга муносабат қандай?

– Агар бу ерда сиз тилга олган ноҳус ҳолат кузатилса, шифокорларни химоя қиладиган ташкилотлар қараб турмайди. Инсонлари агрессив эмас, қонунга бўйсуниб яшайди.

Мен Ўзбекистон «Тез ёрдам» тизимида ҳам ишлаганман. Кунига 600 га яқин чақирув бўлса, 200-250 таси шовшинч ёрдам кўрсатиш шарт бўлмаган вазиятларга тўғри келарди. Чақирувга кетаётган шифокор беморга шошилини ёрдам кўрсатиш ҳақида ўйлаб боради. Айрим кишиларнинг эса ажабтовур қилиқлари борки, ҳатто бошқача уқлатолмас ёки боши оғриси ҳам, туғуруқхонага режа билан бормаса ҳам «Тез ёрдам»га мурожаат қилишади. Аслида уни ўта оғир, ўрта оғир ва оғир ҳолатларда чақириб жоиз. «Тез ёрдам» машинасининг битта чақирув бўйича бориб келиши учун давлатнинг анчагина маблағи сарфланади. Демак, шунчаки бош оғиргани учун ҳам «Тез ёрдам»ни чақириб исрофгарчиликдан ўзга нарса эмас.

Германиядаги мен ишлайдиган шифохонага «Тез ёрдам» машинасида олиб келинган беморларни қабулхонада қабул қиламиз. Олдин ундан қон таҳлиллари олиб, ЭКГ таҳлилини ўтказамиз. Беморгоҳида 5-6 соатлаб шу хонада қолади. Ҳар бир жараён босқичма-босқич амалга оширилгунча, сабр билан кутади. Ортиқча гап-сўз, шифокорни ҳақоратлаш ҳолатлари умуман кузатилмайди.

– Самимий ва мароқли сўхбатингиз учун ташаккур.

«ISHONCH» муҳбири
Феруза РАХИМОВА
сўхбатлашди

Оламда бугун...

Бўрон сабаб...

Нидерландиядаги кучли шамол ва бўронли ҳаво темирйўл транспорти ишини тўхтатди. 5 июль кун Амстердамдаги Схипхол халқаро аэропорти сайтида хабар қилингандек, жорий метеорологик прогнозлар туфайли ҳаво бандаргоҳида ҳаракат маҳаллий вақт билан 15:00 (Тошкент вақти билан 18:00)гача чекланган.



ANP агентлиги маълумотларига кўра, 300 га яқин рейслар бекор қилинган. Айти пайтда NS темирйўл компанияси мамлакат шимолида поездлар ҳаракатини бутунлай тўхтатган.

Нидерландия метеорология хизмати мамлакатнинг аксарият қисмида ёмон об-ҳаво туфайли хавфнинг энг юқори даражаси ҳақида оғохлантирмоқда. Фуқаролар уйлари тарқатмастикка чақирилган.

Столтенберг лавозимида қолади



Йенс Столтенбергнинг НАТО Бош қотиби лавозимидаги фаолияти муддати яна бир йилга узайтирилди. Бу ҳақда у ўзининг ижтимоий тар-

моқдаги саҳифасида ёзган.

Шу тариқа Шимолий Атлантика альянсини бошқариб келаётган амалдаги раҳбарнинг ваколати тўртинчи бор узайтирилди. Столтенберг 2022 йил 1 октябрда курсисини топшириши керак эди, бироқ ўша йил март ойида ўтган Альянс саммитида иттифоқчи давлатлар раҳбарлари Украина атрофидаги воқеалар асносида унинг мандатини 2023 йил 30 сентябргача узайтириш юзасидан қарор қабул қилишди.

НАТО Бош қотиби бўлиб энг узоқ муддат хизмат қилган шахс – голландиялик Йозеф Лунс 1971 йилдан бошлаб 13 йил давомидо айна вазифада ишлаган. Тўққиз йиллик муддат билан Столтенберг ҳозирча бу борада иккинчи ўринни эгаллаб турибди.

10 йиллик танаффусдан сўнг

Туркия ва Миср дипломатик муносабатини тўлиқ тиклаб, алоқани элчилар даражасига олиб чиқди. Бу ҳақда «Анадолу» агентлиги Туркия ТИВ матбуот хизмати таяниб маълум қилди.



Миср ҳам ушбу маълумотни тасдиқлагани тўғрисидаги баёнот мамлакат ТИВ расмий саҳифасида эълон қилинди.

Анқара ва Қоҳира муносабати 2013 йил Миср Президенти Муҳаммад Мурсий ҳокимиятдан ағдарилгандан кейин ёмонлашган. Шундан кейин ҳар икки давлат ўзаро элчиларни чақириб олган.

2022 йил ноябрь ойида Қатарда бўлиб ўтган футбол бўйича жаҳон чемпионати очилиши маросимида Президентлар Режеп Таййип Эрдоған ва Абдулфаттоҳ ас-Сиси қисқа муддат сўхбатлашиб олган эди.

Тимсоҳ ҳамласи



Американинг Жанубий Каролина штатида бир аёл тимсоҳ ҳамласи оқибатида ҳалок бўлди, деб хабар тарқатди маҳаллий полиция идораси.

«Аллигатор ушланиб, олиб кетилгач, худуддан аёл кишининг жасади топилган», дейилади «СBS» телеканали Бифорт округи шерифи берган маълумотга таяниб тарқатган хабарда.

Маҳаллий ҳокимиятнинг изоҳ беришича, жувон эр-талаб ити билан сайрга чиққанда тимсоҳ ҳужумига учраган. Марҳума 69 ёшда бўлиб, воқеа жойига яқин худудда истиқомат қилган.

Интернет хабарлари асосида тайёрланди

GERMANYA GRANTINI QOLGA KIRITIB, USHA ERDA ISHLASH IMKONIYATI BO'SHQA RIVOJLANGAN MAMLAKATLARDAGIGA NISBATAN OSONROQ. MASALAN, UZGA DAVLATLARDA SHIFOKOR BULIB ISHLASH UCHUN ANCHA YUQORI - S1 DARAJA TALAAB ETILADI, NEMIS DIYERIDA ESA BUNING UCHUN B2 DARAJA KIFFOY QILADI. BU KADRLARGA TALAAB KATTALIGI BILAN BOGLIQ BULSA KERAK. QOLAVERSA, GERMANIYADAGI DAVLAT INSTITUTLARIDA OLIY MA'LUMOT OLI SH BEPUL.

Долзарб мавзу

СУЗИШНИ БИЛМАЙ ЎСАЁТТАН АВЛОД

Сув спортини оммавий ривожлантириш ҳақида ким бош қотиради?

Яқинда статистика агентлиги юртимиздаги сузиш ҳавзаларига доир маълумотларни эълон қилди. Унда келтирилишича, 2023 йилнинг 1 январь ҳолатига кўра, мамлакатимизда 331 та сузиш ҳавзаси мавжуд бўлиб, уларнинг 299 таси шаҳар, 32 таси қишлоқ жойларида экан.

Муқояса учун яна рақамларга мурожаат қиламиз: республикада тахминан 10 865 та қишлоқ, 170 та туман бор. Демак, қишлоқ жойлардаги ҳавзалар сони битта туманга биттадан ҳам тўғри келмайди.

Қишлоқ жойларда аҳвол шундай. Аммо шаҳарларда ҳам ҳолат кўнглидагидек эмас. Жумладан, аксарият сузиш ҳавзаларида болалар ва катталар аралаш чўмилишга ётганига гувоҳ бўламиз. Бу – нотўғри. Аммо мутасаддилар азбаройи чўмилиш ҳавзалари камлиги, талаб юқориликдан уларга рухсат беришди.

Шу ўринда яна бир аянчли рақамни келтирамиз: 2023 йилнинг биринчи беш ойида

17 нафар одам сувга чўкиб вафот этган ва уларнинг 26 нафари бола бўлган. Тўғри, бу вақтда ҳали чўмилиш мавсуми бошланмаган эди. Аммо болаларнинг аксарияти чўмилиш илинжида бориб, сузиш қондаларидан беҳабарлигидан, совуқ сувда ўзини тутишни, қачон, қандай ҳолатда сувга тушиш мумкин, қайси ҳолатда тушиш мумкин эмаслигини билмаганидан ҳалок бўлишган. Уларнинг баъзилари қишлоғи ёки туманида махсус чўмилиш ҳавзалари бўлмаганидан, мумкин бўлмаган жойларга бориб бўлса-да, чўмилишган.

Биз тақиқланган жойларда чўмилишни оқламоқчи

эмасмиз. Аммо болалик шавқи, болалик ақли билан ҳам ҳисоблашимиз керак. Уларнинг ҳам тенгдошлари сингари яйраб ўсгиси, фильм ва роликларда кўрганидек, сувда сузгиси келади-да...

Шу ўринда ҳақли саволлар туғилади: биз қачонгача болаларга зарур шароитни яратиш борасида бош қотириш ўрнига уларнинг истакларига қарши чиқаверамиз? Қачон миллатимиз болаларига муносиб, хавфсиз чўмилиш масканлари, бассейнлар қуришни ўйлаймиз?

Минглаб меҳмонларни чақириб, дабдабали тўй қиладиган, бизнес учун бир куннинг ўзида дунёнинг нариги чеккасига ҳам бориб келишга шай юртдошларимиз оз эмас. Аммо улар орасида миллат болаларини ўйлайдиганлар, улар учун шароит яратишга ғамхўрлик қиладиган, хусусан, сузиш ҳавзаси қурадиган тадбиркорлар йўқ. Назаринда,

сузиш ҳавзалари унчалик даромад келтирмайди. Фойда келтирганида, унга бажону дил киришган ишбилармонлар кўп бўлар эди.

Аслида бу соҳанинг ҳақиқий эгаси ким? Агар Ёшлар сиёсати ва спорт вазирлиги десак, улар мазкур масалага қандай қараяпти? Бу каби масканларни кўпайтириш борасида чоралар кўряптими?

Балки соҳага алоҳида имтиёз киритилиши, сузиш ҳавзалари ташкил этадиган тадбиркорлар қайсидир маънода қўллаб-қувватланиши керакдир?

Зеро, болалар – келажагимиз. Уларнинг соғлом вояга етишида сув спортининг ҳам тақдорларимас ўрни бор.

Нима дедингиз? Сув спорти ривожлантириш борасида ҳам кимдир бош қотирадими?

Зебо НАМОЗОВА «ISHONCH»



Навоий вилояти

Зиё қадрини қачон англаймиз?

Нурота тумани Ахборот-кутубхона марказида 22 йилдан буён ишлаб келяпкан. Бу вақтда шуни тушуниб етдимки, китобхоналар орасида уюлмаган ва ишсиз ёшлар, катта ёшдаги нуронийлар, мансабдорлар, уй бекалари, ва афсуски, мактаб ўқувчилари ҳам озчиликни ташкил этади.

Яқинда аҳолига қулайлик яратиш мақсадида кўча кутубхона ташкил қилдик. Унда инсонни мушоҳада қилишга, оиладаги муҳитни мустаҳкамлашга ундайдиган ажойиб асарлар бор. Мақсадимиз «Ҳар бир хонадон – китобхона» лойиҳаси доирасида оилаларга кириб бориш, уларнинг маъна ва руҳан ўсишига кўмаклашиш эди. Фаолият давомида «Миришкор», «Ғафур Ғулום», «Мустақиллик» маҳаллалари аҳлининг муталоага бўлган истак ва иштиёқини ҳам ўргандик. Кўр-

дикки, одамларда қизиқтириш бор.

Энг муҳим янгилик шуки, бугунги кунда одамлар китоб танлай бошлади. Сир эмас, баъзи бир китобхоналар Алишер Навоий, Бобур каби классикаримизнинг асарларини ўқишга анча қийналишига ҳам гувоҳ бўлдик. Демак, китобхоналикни халқимиз орасида кенг тарғиб этиш учун мумтоз асарларни тушунишни осонлаштирадиган қўлланмаларни ҳам кўпайтириш лозим.

Китоб кириб борган оилада нур таралади, аҳиллик, сабр-қаноат, меҳр-оқибат буй кўрсатади. Кунларнинг бирида ишхонамизга бир онахон келди ва узоқ вақт китоб танлади. Жавонлардаги китобларга диққат билан кўз югуртирди. Қулай фурсатини топиб, онахон билан танишиб олдим.

– Эрта турмушга узатилган эдим, – деди суҳбатда у. – Қизим Зумрадхон туғилганда бола тарбиялашни билмас эдим. Шундай кунларда қайнонамдан тенгсиз тақаллуф ва меҳр кўрдим. Билмаганларини эринмасдан, койимасдан ўргатди.

Орадан йиллар ўтиб, яна икки фарзандли бўлдим. Ҳаётимиз изига тушди. Уша пайтларда қайнонамнинг ёшлари анча улуғ бўлса-да, қўлидан китоб тушмасди. Ўзи ўқиган китобларни менга бериб, диққат билан ўқиб чиқишимни тайинларди. Шу-шу мен ҳам китобга меҳр қўйдим. Аллоҳга шукр, фарзандларим ҳам адабиётга меҳрли бўлиб ўсдилар. Билмадим, агар қайнонам кўп китоб ўқимаганда, бизларга нисбатан қаҳр-ғазабли бўлармиди? Айнан китоб ва китобхона қайнонам туфайли бизнинг оиламиз ҳамма ҳавас қиладиган даражага етди...

Китобхоналикнинг фойдаси ҳақида, афсуски, ҳаммамиз ҳам етарли тушунчага эга эмасмиз. Адабиёт инсон ҳаётини, унинг оиласидаги муҳитни тубдан ўзгартириб юборишга қодир. Қанийди, китобсевар нуронийлар, ака-укалар, опа-сингиллар кўпайса, нур устига нур бўларди.

Зебинисо ИБРОҲИМОВА, Нурота тумани Ахборот-кутубхона маркази бошланғич касабга уюшма кўмитаси раиси

Фикр

Қашқадарё вилояти

Қарши шаҳридаги 18-сонли «Нурли маскан» мактаб-интернатида Қашқадарё вилоятида яшовчи ёш кўзи ожизлар оилалари ўртасида «Янги Ўзбекистоннинг ибратли оиласи» республика кўрик-танловининг ҳудудий босқичи ғолиблири аниқланди.

Рағбат

МАТОНАТ ВА МАҲОРАТ НАМОЙИШИ

Кўзи ожизлар жамияти вилоят бўлими ҳамда Тадбиркорлик, бизнес ва хизмат кўрсатиш соҳалари ходимлари касабга уюшмаси вилоят бирлашган кўмитаси ҳамкорлигида ўтказилган танловда иштирокчилар «Таништирув», «Интеллектуал қобилиятни аниқлаш», «Амалий рўзгор ишларидаги маҳорат» ҳамда «Эркин мавзу» каби қизиқарли шартлар бўйича ўзаро баҳс олиб боришди.

Яқинда ғузурлик Қаҳрамонлар оиласи биринчи, қаршилик Тошевлар иккинчи, нишонлик Қултураевлар оиласи учинчи ўринни эгаллаб, диплом ва қимматбаҳо совғалар билан тақдирланишди. Шунингдек, фаол қатнашган чироқчилик Мирзановлар оиласига рағбатлантирувчи мукофот, қолган иштирокчиларга эса эсдалик совғалари тақдим этилди.

Дилафрўз ЖАББОРОВА, Қашқадарё вилояти кўзи ожизлар жамияти касабга уюшма кўмитаси раиси

Янгийўл шаҳридан рўйхатдан ўтган яқна тадбиркор «TURDIQULOV ANVAR HAYDARALIEVICH» номига берилган думалоқ муҳр йўқолгани сабабли бекор қилинади.

Чирчиқ давлат педагогика университети ректорати ҳамда бошланғич касабга уюшма кўмитаси таълим муассасаси бош хисобчиси Абдураҳмон Исмаиловга онаси

Ойбуви ая ИСМАДИЯРОВАнинг вафоти муносабати билан таъзия изорат этади.

Чирчиқ давлат педагогика университети ректорати ҳамда бошланғич касабга уюшмаси кўмитаси таълим муассасасининг География кафедраси ўқитувчиси Акбар ШЕРНЯЕВнинг вафоти муносабати билан марҳумнинг оила аъзоларига ҳамдардлик билдиради.



Ҳаётини ҳикоя

Одам қариганда инжиқ бўлиб қолади, дейишади. Бу гап қанчалик тўғри-нотўғрилигини билмадим, аммо ёшим етмишдан ошган бўлса-да, ҳамон ўзимни ёш йигитлардек ҳис этганим учун нолишни ёқтирмайман. Аниқроғи, ким нима деса десин, кўнглим ҳамон ёш. Бунинг сабаби балки улфатлар билан ҳар ойда бир марта чойхонада йиғилиб дийдорлашимиздадир. Ахир, одам тафтини одам олади-да. Қолаверса, давраимизда ёшлар ҳам бўлгани учун ўзимни улар сингари ҳаётга чанқоқ сезсам керак. Яна билмадим! Аммо бир воқеа сабаб бўлди-ю, инсон умр дафтارينинг сўнги нуқтасигача гўзаллик шайдоси бўлиб қолишининг, орзу билан яшашининг гувоҳи бўлдим... Шифохонанинг қабул бўлимида навбат кутаётганларнинг аксарияти кекса ёшли отахону онахонлардан иборат эди. Ҳар бирининг улар сингари тинглаб, қон босимини ўлчаш, зарур таҳлилларни ўтказиб, анкеталарини расмийлаштириш анча вақт олади.

Мен навбатим келишини кутиб, ён-атрофини кузатиб ўтирар эканман, кенг ойнаванд эшикдан кириб келган ўттиз-ўттиз беш ёшлардаги йигит беҳитиёр эйтиборимни тортиди. Унинг бўйи баланд, қомаги спортчиларникидек бақувват, келишган. Қора костюм-шми гавдасига ярашган. Юз-кўзларида кўнгли очик инсонларга хос самимийлик сезилиб турибди. Фақат...

Мени хушёр тортирган нарса йигитнинг нотабиийроқ тарзда юриши бўлди. У ҳарбийлар сафда қадам ташлаганлари каби тиззаларини букмай оёқ босар, товонлари ерга урилганда қора туфлиси ғичирлаб овоз чиқараётганга ўхшарди. Қўлидаги янги кумушранг ҳасаси бамисоли дорбозларнинг лангар чўпидек мувозанатни тутиб туришига ёрдан берарди.

У навбати ақинлашиб қолган олтмиш беш-етмиш ёшлар атрофидаги чол-кам-пиринг олдига бориб, нималар ҳақидадир билмаси бошлади. Ўзини тутиши ва муомаласидан ота-онани кузатиб келганини илғаш қийин эмас эди.

Бир пайт ойнаванд эшикдан йигирма беш ёшлар чамасидаги озгингина чайир қиз ноғиронлар аравачасини итариб олиб кирди. Уни ўриндиқлар ёнига жойлаштириб, ўша ерда ўтирган бошқа бир онахонга юзланди.

– Буви, мен ҳозир анкетангиз билан йўлланмани шифокорга топшираман, – деди қўлидаги ғозлар солинган елим жилдни кўрсатиб. – Навбати билан ўзлари чақиривади. Ўрингиздан туриб юрманг!

Шифокорлар хонасига йўл олган қизнинг «Ўрингиздан туриб юрманг» деган гапидан ҳайрон бўлиб, бир аравача, бир онахонга назар солдим. Юзларига қайтмас йиллар изи нақш солган, гўдакдек бўлиб ўтирган онахоннинг буришган қўлидаги анча уринган ёғоч ҳасаси кўриб, унинг аҳволини тушунгандай бўлдим.

Бояги йигит ота-онани билан гаплашиб бўлиб, ташқарига чиқаётганида аравачада ўтирган онахон кутилма-

ганда уни саволга тутди:

– Ўғлим, қўлингиздаги ҳасасни қаердан олгансан?

– Аптекадан!

– Ҳа, буюрсин. Чиройли экан.

Бу гапни эшитиб, юзига табассум ёйилган йигит аёлнинг анча уринган ёғоч ҳасасига бир қараб қўйди-да, самимий оҳангда таклиф қилди:

– Келинг, ҳассаларимизни алмашамиз!

Кутилмаган таклифдан онахон шошиб қолди.

– Йўғ-е! – деди хижолат тортиб. – Одамни уялтирма, жон болам...

– Нима қилпти, бошга – бош!

Онахон йигитнинг таклифи чин юракдан эканлигини билса ҳам иккинчилик қолди. Аниқроғи, эскироқ ҳасасини янгисига алмашишга ғурури йўл қўймади.

– Унда мен пулини бераман.

Онахон сумкачасини кавлаётганини кўрган йигит жаҳли чиққан одамдек

қошларини чимирди.

– Э, йўқ, пул берсангиз, алмашмайман! – деди қатъий тарзда. Сўнгра жилмайган кўйи ортидан қўшиб қўйди. – Алмашмасангиз, хафа бўламан.

Ўртага ноқулай жимлик чўқди. Икки ўт орасида қолган онахон йигитнинг таклифини кўнглига оғир ботмайдиган қилиб рад этиш йўллариини излай бошлади. Унинг ҳассасини олиб, узунлигини ўзиникига солиштириб кўргани, бир хил чиқди. Сўнг иккаласининг вазнини қўлларидан ўлчади. Оғир-енгиллигида ҳам фарқ борлиги билинмади. Баҳонага ўрин қолмаганини сезгач, бирпас ўйлаб турди-да, йигитга меҳр билан тикилди:

– Бўпти, алмашдик!

Онахон йигитга ўз ҳассасини берар экан, унинг қалбидан тошиб чиқаётган бағри кенг, қалби дарё одамларга хос инсоний иззат-ҳурмат, одамгачилик фазилатларидан кўзлари ёшланиб, қўлларини дуога очди:

– Менинг ёшим тўқсондан ошди, сен эса юздан ҳам ошиб юргин, болам. Омин, Аллоҳу Акбар!

Иккиси юзларига фотиҳа тортиб, йигит ҳарбийлар каби тиззаларини букмай ташқарига йўл олди. Мен ҳам ичимда онахоннинг юрак-юрагидан куйилиб келган самимий тилакларга қўшилар эканман, шу ёшда ҳам гўзал нарсаларга иштиёқ сўнмаган қалб эгасининг умри янада узоқ бўлишига иймон келтирдим. Беҳитиёр фарзандига одамгачилик сабоғини мукамал ўргатган ота-она томон назар солдим. Худди шу пайт йигитнинг онаси ёнидаги аёлга айтаётган ҳасрат тўла сўзлар кўнглимга чалинди:

– Ўғлим аварияга учрагач, шифокорлар чап оёғининг тиззасидан пастини, ўнг оёғининг тиззаси юқорисидан кесиб ташлашга мажбур бўлишди. На-чора, тақдирга тан бермай иложимиз қанча?!

Ғайрат РАҲМАТУЛЛАЕВ, Ўзбекистон Журналистлар уюшмаси аъзоси

МУАССИС:



2007-йил 11-январда О'zbekiston Matbuot va axborot agentligida 116-raqam bilan ro'yxatga olingan.

«Ishonch» va «Ishonch-Doverie» gazetalarini tahrir hayati:

Qudratilla RAFIQOV (tahrir hayati raisi), Ulug'bek JALMENOVI, Anvar ABDUMUXTOROV, Sayfullo AHMEDOV, Akmal SAIDOV, Ravshan BEDILOV, Qutlimurot SOBIROV, Suhrob RAFIQOV, Shoqosim SHOISLOMOV, Hamidulla PIRIMQULOV, Nodira G'OIYIBNAZAROVA, Anvar QULMURDOV

(Bosh muharrirning birinchi o'rinbosari),

Mehridin SHUKUROV (Mas'ul kotib – «Ishonch»),

Valentina MARSENYAK (Mas'ul kotib – «Ishonch-Doverie»)

Bosh muharrir Husan ERMATOV

Bo'limlar: Kasaba uyushmalari hayoti – (71) 256-64-69 Huquq va xalqaro hayot – (71) 256-52-89 Milliy-ma'naviy qadriyatlar va sport – (71) 256-82-79 Xatlar va muxbirlar bilan ishlash – (71) 256-85-43 Marketing va obuna – (71) 256-87-73

Hududlardagi muxbirlar:

Qoraqalpog'iston Respublikasi – (+998-99) 889-98-20 Andijon viloyati – (+998-99) 889-90-23 Buxoro viloyati – (+998-99) 889-90-31 Jizzax viloyati – (+998-99) 889-90-34 Namangan viloyati – (+998-99) 889-98-02 Navoiy viloyati – (+998-99) 889-90-28 Samarqand viloyati – (+998-99) 889-90-26 Sirdaryo viloyati – (+998-99) 889-98-55 Surxondaryo viloyati – (+998-99) 889-90-32 Toshkent viloyati – (+998-99) 600-40-44 Farg'ona viloyati – (+998-99) 889-90-24 Xorazm viloyati – (+998-99) 889-98-01 Qashqadaryo viloyati – (+998-99) 889-90-27

«Ishonch»dan olingan ma'lumotlarda manba sifatida gazeta nomi ko'rsatilishi shart.

Muallif fikri tahririyat nuqtai nazaridan farqlanishi mumkin.

Navbatchi muharrir A. Haydarov

Musahhihlar D. Xudoyberganova, D.Ravshanova

Sahifalovchi H. Abdullajilov

Bosishga topshirish vaqti – 22:50 Topshirildi – 23:00

Bahosi kelishilgan narxda

Manzillimiz: 100165, Toshkent shahri, Buxoro ko'chasi, 24-uy.

E-mail: ishonch1991@yandex.uz

Tahririyat hisobraqami: 2021 0000 0004 3052 7001.

ATIB «Ipoteka bank» Yashnobod filiali, bank kodi: 00959, STIR: 201133889, OKED: 58130

Gazeta haftaning seshanba, payshanba va shanba kunlari chiqadi. Gazeta «Ishonch»ning kompyuter markazida terildi va sahifalandi.

Gazeta ofset usulida, A-2 formatida bosildi. Hajmi 2 bosma taboq. Buyurtma G-713 Nashr ko'rsatkichi: 133 1 2 3 4 5 6

Umumiy adadi 30372

14042 nusxasi «Sharq» nashriyot-matbaa aksiyadorlik kompaniyasi bosmasidan chiqarildi.

Korxonaning manzili: Toshkent shahri, Buyuk Taron ko'chasi, 41-uy.